



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

Credo.

Nutzungsbedingungen

[urn:nbn:de:hbz:466:1-54780](#)

inter hæc maximè contrastavit Dominum, tria Petri negatio. Tempore Epistola cogito Dominum meum specialiter fuisse accusatum ut everorem veteris legis,

Oratio, Evangelium.

DUm à cornu Epistolæ ad medium Altaris procedo oratus, ibidem confuetam orationem, præcedit me Dominus meus à domo Caiphæ ad Pilatum, apud eum de variis accusatus, eum à Pilato ad Herodem missum prosequor, dum ad cornu Evangelii vado lecturus Evangelium. Et quia apud utrumque ratione doctrinæ suæ maximè accusatur, & usque modo doctrina Christi maximam patitur contradictionem ab infidelibus, hæreticis, & prô dolor ipso facto à Catholicis. Hinc cum summo desiderio prædicandi cum fructu Evangelii id altè, clarè, distinctè ac devotè recito. Ante hoc autem, initio Evangelii Cruce signato, *Dominus vobiscum*, eâ intentione dico, ut, quam exteriori omnes Sacrum audientes adhibent verbo Dei reverentiam surgendo & stando; eam quoque re ipsâ & in animo exhibeant, & in spiritu cum Sacerdote devoto osculo venerentur locum lecti Evangelii ad significandum ardorem; quo totam illam doctrinam amplecti, in corde conservare; & etiam, quoad consilia Evangelica, executioni mandare volunt.

Credo.

Interim à cornu Evangelii ad medium Altaris præcedit me Dominus meus ab Herode missus

missus ad Pilatum , veste albâ indutus tanquam homo fatus , cui non sit credendum. Ego autem ad injuriam hanc secundum posse meum reparandam offero Deo ardentem fidem SS. omnium , & maximè Martyrum , & in unione zeli horum pro sancta fide devovo caput meum, di coque cum ardore *Credo*: ubi totam Christi vitam, passionem, resurrectionem, ascensionem, adventum ad judicium breviter recoleens , ad verba illa *Incarnatus est* memor dicti S. August. l. 2. Conf. c. 9. Postquam Verbum caro factum est, flexi genu: quasi pondere mysterii Incarnationis, tantique in nos amoris obrutus, labasco in terram ; & è vestigio surgo cogitans, me pro merito meo jam in infernum prolapsum, virtute passionis corroboratum , ad vitam cælestem asturgere , & crucis signo sub finem *Credo* formato , eo quasi sigillo totius fidei confessionem firmo. Dicto *Dominus vobiscum*, stat adhuc Dominus meus ante Pilatum.

Offertorium.

Ad Offertorium video , quod se æterno Patri elatis in cælum manibus pro salute nostra offerat ad omnia tormenta. Dum denuo calix , apparet vestibus spoliatus , nudus ad columnam alligatus, flagellatus , spinis coronatus. Nec vacat mysterio , quod ante orationem *Offerimus tibi Domine calicem*, Ec. patena partim sub corporali , partim sub purificatorio abscondatur. Nam Domini mei divinitas, per patenam fulgentem adumbrata , jam magis magisque latere incipit sub infirmitate passionis.

Ablu-